

**JU OPĆA BOLNICA „Prim.dr Abdulah Nakaš“ SARAJEVO
UPRAVNI ODBOR**

Na osnovu člana 29. stav 1. Uredbe sa zakonskom snagom o ustanovama („Službeni glasnik R BiH“ broj 6/92, 8/93 i 13/94), člana 66. Zakona o zdravstvenoj zaštiti („Službene novine Federacije BiH“ broj: 40/10, 75/13), člana 20.st. (2) tačka b), člana 22., 23. i 24. Statuta JU Opće bolnice „Prim. dr. Abdulah Nakaš“ Sarajevo („Službene novine Kantona Sarajevo“, broj: 22/14, 11/19 i 45/19), Pravilnika o uslovima u pogledu vrste završenog fakulteta zdravstvenog usmjerenja koje moraju ispuniti osobe koje konkuriraju za direktora zdravstvene ustanove („Službene novine Federacije BiH“ broj: 77/17, 61/21), člana 14. Odluke o preuzimanju prava i obaveza osnivača i usklađivanja organizacije i poslovanja Javne ustanove Opća bolnica „Prim. dr. Abdulah Nakaš“ („Službene novine Kantona Sarajevo“ broj 7/12, 28/18 i 45/19), Upravni odbor na 52. (pedesetdrugoj) vanrednoj sjednici održanoj dana 24.02.2025. godine objavljuje

**JAVNI OGLAS
ZA IZBOR I IMENOVANJE DIREKTORA
JU OPĆA BOLNICA „PRIM. DR. ABDULAH NAKAŠ“ SARAJEVO**

I NAZIV POZICIJE

- Direktor JU Opće bolnice „Prim. dr. Abdulah Nakaš“ Sarajevo

II OPIS POZICIJE

U skladu sa odredbama Zakona o zdravstvenoj zaštiti („Službene novine Federacije BiH“, broj 46/10 i 75/13), kao i odredbama člana 21. i 27. Statuta JU Opće bolnice „Prim. dr. Abdulah Nakaš“ Sarajevo („Službene novine Kantona Sarajevo“, broj: 22/14, 11/19 i 45/19).

Direktor:

- 1) Organ rukovođenja u Općoj bolnici je direktor.
- 2) Direktor Opće bolnice organizira i vodi poslovanje Opće bolnice.
- 3) Direktor predstavlja i zastupa Opću bolnicu u zemlji i inozemstvu.
- 4) Direktor preduzima pravne i druge radnje, zastupa Opću bolnicu pred sudovima i drugim organima u okviru prava i odgovornosti koje proizilaze iz djelatnosti Opće bolnice
- 5) Direktor može dio svojih ovlaštenja za zastupanje prenijeti i na druge ovlaštene osobe putem generalne ili specijalne punomoći. Obim i sadržaj punomoći određuje direktor.
- 6) Direktor odlučuje o korištenju sredstava u iznosu do 80.000,00 KM.
- 7) Direktor je odgovoran za zakonitost rada Opće bolnice.
- 8) Direktor učestvuje u radu Upravnog odbora bez prava odlučivanja.

U ostarivanju rukovođenja Općom bolnicom direktor obavlja sljedeće poslove:

- a) organizuje rad i rukovodi radom JU Opće bolnice „Prim. dr Abdulah Nakaš“ Sarajevo (u daljem tekstu: Opća bolnica),
- b) zastupa i predstavlja Opću bolnicu u odnosu sa trećim licima
- c) predlaže Upravnom odboru mjere za efikasno i zakonito obavljanje djelatnosti Opće bolnice,
- d) odlučuje o pravima, obavezama i odgovornostima zaposlenika iz radnog odnosa,

- e) predlaže i donosi opće akte Opće bolnice u skladu sa Zakonom, a koji nisu u nadležnosti Upravnog odbora,
- f) predlaže Upravnom odboru donošenje Plana rada i razvoja Opće bolnice i godišnji program rada,
- g) podnosi Upravnom odboru izvještaj o finansijskom poslovanju i odgovara mu za rezultate rada i finansijsko poslovanje Opće bolnice,
- h) daje naredbe u vezi izvršavanja finansijskog plana,
- i) izvršava odluke Upravnog odbora,
- j) imenuje i razrješava dužnosti rukovodioce organizacionih jedinica,
- k) donosi uputstva za rad,
- l) obavlja i druge poslove u skladu sa Zakonom i opštim aktom Opće bolnice.

III MANDAT

Mandat direktora traje 4 (četiri) godine.

Po isteku mandata isto lice može na osnovu javnog oglasa ponovo biti imenovano za direktora Opće bolnice, ali najviše za još jedan mandatni period.

IV UVJETI ZA KANDIDATE

A) Opći uvjeti

- da je stariji od 18 godina
- da je državljanin Bosne i Hercegovine
- da posjeduje znanje jednog stranog jezika
- da se na njega ne odnosi član IX. stav 1. Ustava Bosne i Hercegovine, odnosno da nije pod optužbom Međunarodnog suda za ratne zločine
- da nije na funkciji u političkoj stranci
- da nema privatni – finansijski interes u Općoj bolnici
- da nije u sukobu interesa u odnosu na odredbe Zakona o prevenciji i suzbijanju korupcije u Kantonu Sarajevo („Službene novine Kantona Sarajevo“ broj 35/22, 44/22 i 55/22)

B) Posebni uvjeti

Kandidat za poziciju direktora Opće bolnice pored uvjeta iz tačke A) ovog Oglasa mora da ispunjava i sljedeće posebne uvjete propisane Zakonom o zdravstvenoj zaštiti kao i odredbom člana 23. Statuta JU Opće bolnice „Prim. dr Abdulah Nakaš“ Sarajevo („Službene novine Kantona Sarajevo“, broj: 22/14, 11/19 i 45/19);

- završen Medicinski fakultet - VSS,
- specijalizacija iz bolničkih ili kliničkih disciplina,
- najmanje 5 (pet) godina radnog iskustva u struci,
- da posjeduje znanje o zdravstvenim menadžmentu koji dokazuje certifikatom o obavljenoj edukaciji iz zdravstvenog menadžmenta, i to sva tri nivoa edukacije u skladu sa Pravilnikom o kontinuiranoj profesionalnoj edukaciji iz zdravstvenog menadžmenta, odnosno završenoj specijalizaciji iz zdravstvenog menadžmenta ili završenom postiplomskom studiju iz zdravstvenog menadžmenta,
- da posjeduje komunikacijske i organizacijske sposobnosti za timski rad
- da prezentira program rada i razvoja Opće bolnice u stručnom i ekonomsko-finansijskom smislu za mandatni period,
- druge uslove propisane Zakonom o zdravstvenoj zaštiti i Statutom Opće bolnice.

V POTREBNI DOKUMENTI

Uz prijavu na javni oglas, kandidati su dužni dostaviti dokaze o ispunjavanju općih i posebnih uvjeta iz tačke IV ovog oglasa

Dokazi o ispunjavanju općih uvjeta iz tačke IVA) su sljedeći:

- izvod iz matične knjige rođenih,
- uvjerenje o državljanstvu ne starije od 6 mjeseci od dana izdavanja,
- dokaz o znanju jednog stranog jezika,
- ovjerena izjava da se na njega ne odnosi član IX. stav 1. Ustava Bosne i Hercegovine, odnosno da nije pod optužbom Međunarodnog suda za ratne zločine,
- ovjerena izjava da nije na funkciji u političkoj stranci,
- ovjerena izjava da nema privatni – finansijski interes u Općoj bolnici
- ovjerena izjava da nije u sukobu interesa u odnosu na odredbe Zakona o prevenciji i suzbijanju korupcije u Kantonu Sarajevo („Službene novine Kantona Sarajevo“ broj 35/22, 44/22 i 55/22)

Dokazi o ispunjavanju posebnih uvjeta iz tačke IV B) su sljedeći:

- diploma medicinskog fakulteta,
- uvjerenje o položenom specijalističkom ispitu iz djelatnosti Opće bolnice,
- potvrda o radnom iskustvu od najmanje 5 (pet) godina u struci,
- dokaz o posjedovanju znanja iz zdravstvenog menadžmenta: certifikat o obavljenoj edukaciji iz zdravstvenog menadžmenta i to sva tri nivoa edukacije u skladu sa propisima o kontinuiranoj profesionalnoj edukaciji iz zdravstvenog menadžmenta, odnosno završenoj specijalizaciji iz zdravstvenog menadžmenta ili završenom postdiplomskom studiju iz zdravstvenog menadžmenta u skladu sa Pravilnikom o uslovima u pogledu vrste završenog fakulteta zdravstvenog usmjerenja koje moraju ispuniti osobe koje konkuriraju za direktora zdravstvene ustanove („Službene novine Federacije BiH“ broj: 77/17 i 61/21),
- ovjerena izjava da posjeduje komunikacijske i organizacijske sposobnosti za timski rad
- Program rada i razvoja program rada i razvoja Opće bolnice u stručnom i ekonomsko-finansijskom smislu za mandatni period,

Dokazi o ispunjavanju općih i posebnih uvjeta iz tačke IV A) i B) moraju biti originalni dokumenti ili ovjerene kopije ne starije od 6 mjeseci.

Dokazi o ispunjavanju općih i posebnih uvjeta obavezno se dostavljaju uz svojeručno potpisanu Prijavu sa adresom, kontakt telefonom i obavezno naznačenom e-mail adresom i posebno priloženom kratkom biografijom.

VI PODNOŠENJE PRIJAVA

Javni oglas ostaje **otvoren 15 (petnaest)** dana od dana posljednjeg objavljivanja ovog oglasa, a isti će biti objavljen na WEB stranici Bolnice, u jednim dnevnim novinama koje se distribuiraju na teritoriji FBiH i „Službenim novinama Federacije BiH“.

Neblagovremene i nepotpune prijave neće se uzeti u razmatranje.

Prijave sa dokazima o ispunjavanju uvjeta dostaviti lično ili putem pošte preporučeno, u zatvorenoj koverti sa naznakom:

“Prijava na Javni oglas za izbor i imenovanje direktora JU Opće bolnice „Prim. dr. Abdulah Nakaš“ Sarajevo– ne otvarati”;

na adresu:

JU Opća bolnica „Prim. dr. Abdulah Nakaš“ Sarajevo
Komisiji za provođenje postupka izbora kandidata za
direktora JU Opća bolnica „Prim. dr. Abdulah Nakaš“ Sarajevo
Ulica Silvija Strahimira Kranjčevića broj 12
71 000 S a r a j e v o

VII OBJAVLJIVANJE JAVNOG OGLASA

Javni oglas će biti objavljen na WEB stranici Bolnice, u jednim dnevnim novinama koje se distribuiraju na teritoriji FBiH i „Službenim novinama Federacije BiH“.

VIII OSTALE NAPOMENE

Svi kandidati čija dokumentacija bude potpuna bit će pozvani na intervju pred Komisijom za provođenje postupka izbora kandidata za direktora JU Opća bolnica „Prim. dr. Abdulah Nakaš“ Sarajevo.

Prije intervjuja kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije.

Po okončanju postupka, konačno imenovanje direktora Opće bolnice obavlja Upravni odbor Opće bolnice, uz prethodnu saglasnost ministra zdravstva u Vladi Kantona Sarajevo, a saglasno članu 66. stav 4. Zakona o zdravstvenoj zaštiti („Službene novine Federacije BiH“, broj 46/10 I 75/13).

Nakon završene procedure izbora i imenovanja direktora, prijava i dokumentacija se neće vraćati kandidatima koji su aplicirali na ovaj javni oglas.

Lični podaci o učesnicima Javnog oglasa su tajni i mogu se prikupljati i obrađivati samo u skladu sa odredbama Zakona o zaštiti ličnih podataka („Službeni glasnik BiH“ broj 49/06, 76/11 i 89/11).

Saglasno članu 25. Statuta JU Opće bolnice „Prim. dr. Abdulah Nakaš“ Sarajevo o odluci o imenovanju direktora svi učesnici u Javnom oglasu obavještavaju se najkasnije u roku od 8 (osam) dana od dana donošenja odluke.

Svaki učesnik u javnom oglasu, u roku od 8 (osam) dana od dana prijema obavještenja, može protiv odluke o imenovanju direktora podnijeti prijedlog za pokretanje postupka pred nadležnim sudom.

Predsjednik Upravnog odbora

Prim.dr. Sead Željo